



INATSISARTUT

## Aningaasaqarnermut Naalakkersuisoq

Ulloq: 10. okt 2012

J.nr.: 01.31.06/12-00596

### **Aningaasaqarnermut Akileraartarnermullu Ataatsimiititaliap tallimangornermi ulloq 5. oktober 2012 aalajangiinera pillugu Naalakkersuisunut ilisimatitsineq.**

#### **Aningaasanik sulisussarsiortarnermiit tusagassiuutinut tapersiisarnermut nuussineq (suliaq nr. 01.31.06/12-00596)**

Naalakkersuisut **inassutigaa**,

- konto pingaarneq 10.06.24-mi, Utaqqiisaagallartumik nuna tamakkerlugu aviisinut tapiissutitut tunngasumi, aningaasaliissutit 1.000.000 koruuninik amerlineqassasut aamma
- konto pingaarneq 20.30.01-imi, Aningaasaqarnermut Sulisoqarnermullu Aqutsisoqarfimmi ASA-mi allaffissornermut tunngasumi, aningaasaliissutit taamatut 1.000.000 koruuninik 2012-imi ikilineqassasut.

#### **Aningaasaqarnermut Ataatsimiititaliap oqaaseqaatai**

1 mio. kr.-it konto pingaarnermit 20.30.01-imit, Aningaasaqarnermut Sulisoqarnermullu Aqutsisoqarfimmi ASA-mi allaffissornermut tunngasumit, konto pingaarnermut 10.06.24-imit, utaqqiisaagallartumik nuna tamakkerlugu aviisinut tapiissutitut tunngasumut, nuunneqarnissaat qinnuteqarnerminni Naalakkersuisut kissaatigaat. Taamaalillunilu ilassutitut aningaasaliissuteqarnissamik qinnuteqaat missingersuutinut sunnuteqanngilaq.

Tamatumunnga tungaviuvoq konto pingaarneq 20.30.01 aqutigalugu atorfinnik inuttassarsiuinernik tamakkiisumik akiliillutik pisinermikkut Naalakkersuisut aviisinut nuna tamakkerlugu saqqummersartunut toqqaannanngikkaluamik tapiissuteqartarsimanagerat, naak inuttassarsiuineq innersuussilluni inuttassarsiuinertut maanna ingerlanneqaleraluartoq. Konto pingaarneq 10.06.24 aqutigalugu tapiissutit tamatuma toqqaannartumik tapiissutinngortinnissaa Naalakkersuisut kissaatigaat, taannalu 2013-imit aningaasanut inatsit aallarnerfigalugu tapiissutitut aningaasaliissutitut ataavartunngortinneqassasoq naatsorsuutigineqarpoq. Tamatuma kingorna niuernermi akigititamut naapertuuttumik akeqartitsinissaq isumaqatigiissutigineqarsinnaappat aviisini nuna tamakkerlugu saqqummersartuni tusagassiuutinilu naqinneqartartuni allani inuttassarsiuinerit aatsaat Naalakkersuisunit atorineqartassapput.

Aviisinut nuna tamakkerlugu saqqummersartunut ersinngitsumik toqqaannanngitsumillu tapiissuteqartoqartarsimanageranik aammalu tamatuma ammasumik takuneqarsinnaasumillu

pisalernissaata kissaatigineqarnera Naalakkersuisunit paasissutissiissutigineqarmat Aningaasaqarnermut Ataatsimiititaliamit tusaatissatut tiguneqarpoq. Piffissalli imaalinerani qinnuteqaammik nassiussinissaq pisariaqarpallaarsorinangilaq, aningaasammi konto pingaarnemit sorlermeersuunerat apeqqutaatinnagu aviisinut nuna tamakkerlugu saqqummersartunut ingerlatinneqartussaammata. Tamaattumillu siunissami qinnuteqaammik Aningaasaqarnermut Ataatsimiititaliamit akuerisassanngorlugu nassiussinnginnermi qinnuteqaatip *pingaaruteqarnissaanik* *simmaffigineqarsinnaasimannginnissaanillu* missingersuusiornermut inatsimmi piunasaqaat sukumiisumik isumaliutigeqqaartaqqullugu ataatsimiititaliap Naalakkersuisut inussiarnersumik qinnuigai.

### **Aningaasaqarnermut Ataatsimiititaliap aalajangiinera**

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Aningaasaqarnermut Ataatsimiititaliap sinnerlugu

Andreas Uldum  
Ataatsimiititaliap siulittaasua